

目录

人物传 一

徐氏族谱

目录

公元二零二零年庚子年续修

东海堂

皇清勅授孺人徐母吴太孺人墓志銘

孺人陰邑 誥封朝議大夫 吳公悞翁之女也 以節母傳久矣 自古貞女烈婦柏舟存其詩 楓陞旌其行是皆不沒顧未聞有如 孺人之苦者 孺人誕自吴太夫人 難於撫字寄乳其姑 數十年來坎坷其境 冰雪其心 蓋亦窮矣 夫松柏生於山林其始也 與凡卉為伍而其終也 閱千歲歷四時而不改柯 易葉其本性蓋由天定也 孺人之質蓋有似耳 天而欲顯 孺人也 故使吴太夫人不鞠其家以困之又使孺人家多偃蹇以迫之 當封公之沒長君甫三齡 季君在嬰幼 人謂 孺人无庇以為生而 孺人則曰 背姑不孝 弃子不慈 負夫不義 失節無礼 有一於此 何以立身 噫 此其為 孺人之節歟 此其為 孺人之操歟 吾未見 孺人而見其季君芝田公克自樹立 能使危者安 亡者存 絕者存 絕者績其一 姪三子皆卓牽不羈 天殆速報

孺人歟 何予孫之多賢也 近有貞節荻報者 其子孫皆雄才直氣 博取富貴於持左契而忠怒 仁厚遠遜 季君興令孫輩由此觀之 孺人之福正未有艾也 孺人以乾隆辛丑歲十一月十一日戌時生 以道光癸巳年三月二十五日申時卒 享壽五十有三 葬入里墩新屋塋虎形山之陽 子男二 長若海 次芝田 女一 適本邑王公兆祥之子 字太陰 孫男四 長墨卿 次竹樓 次芥卿 次慕唐 孫女三 長適本邑向公月恒之子 字鴻軒 次適本邑黃公世照之子 字清富 三適本邑太學生劉公菊塢之子 字泉山 今貴族檢修家乘 季君始請銘 非敢諛也 蓋有待也 其銘曰 佳城建昔 潛德傳今 峯成其秀 水注其清 事舅姑孝 操井白勤 相夫挽鹿 教子 和熊 茶蓼方苦 松柏比貞 手身 無穢 骨節俱馨 斧不斫 鍊字不翦 金 增光巾幘 垂裕后後 昆熾昌 日盛蕃衍 雲初龍章 炳炳 麟趾振振 昭穆序礼 霜露感心 春秋匪懈 俎豆維新

徐氏族譜

公元二零二零年庚子年續修

一

东海堂

時

同治庚午歲冬月穀旦

賜進士出身翰林院編 國史館纂修提督山東學院

前任湖北巡撫 現任刑部尚書 充本科順天鄉試正考

官姻愚侄鄭郭謹頓首拜撰

裔孫祚德字芝田於同治壬戌年冬捐入公祠香火

田貳斗其在八尺墩中芙公墳當上土名邊二斗主譜外有捐約存祠

敕封儒林郎徐公芝田徐母毛安人墓誌銘

公幼零丁孤苦長險阻備常老福德兼擅翰見其生平所為燕寢問安克成母志鵠原急難善處天倫矩步規行足無隕越憐貧周急心是慈悲且而重義輕財多方培植蓋仁性成也淑配毛安人者裾布簪荆勤助興創正位治內卓有識謀不僅溫恭淑慎巾幗徽音矣今當四尺崇封用展一言弁冕其銘曰

岳峻淵涵松蒼柏古有猷有為不奪不侮課讀課耕允文允武杞梓梗柟凡卉非伍安人之德柔惠且直敬戒無違宜其家室詩咏葛累孫子眾庶馬鬣同封焚黃指曰

時

光緒五年歲己次卯葭月穀旦
欽加按察使銜陝西提奏道署甘肅西寧兵備道
姻愚姪張宗翰頓首拜撰

徐氏族譜

公元二零二零年庚子年續修

二

東海堂

勅授登仕佐郎徐公裕庭徐母謝孺人墓誌銘

公諱維祐字裕庭舉人鐸胞兄之孫國學拔秀之子性溫萬不染時俗少壯慕遊吳越白手成家晚頤養天和解排紛難矍鑠哉是翁也德配謝孺人勤儉相夫事姑孝樂施濟族黨無間言子二伯青溪以成均入翰林院待詔仲海濤以績學列明經鄉試頂薦不第繼此孫會滿室頭角嶄然東海之福其殆方興未艾歟公壽八十有一孺人壽七旬有八皆無疾考終合葬邵家園凤形山辰山戌向葬未五稔修石墓仲君請銘於余余不敏待述所得於見聞聞者以為之銘其銘曰翁兮母兮窀穸合處既固既安以利後人

清光緒三十三年丁未歲仲秋月上澣穀旦
兩淮鹽大使府正堂景山宮孝習
舉人宗晚恭斗頓首拜撰
民國丁丑孫立生重錄

例授太學生徐公墨卿徐母許孺人墓誌銘

故友徐君墨卿吾湘偉士幼讀書極穎悟長為文多沉摯生平行已待人尤落落不苟同治初余館於會芳之家塾曾踰攜其作詩文就正每閱有一種清雋之氣溢於行間踰年輒拈題自課功日進方以遠到券之夫何幽芳在賞即睹蘭摧太璞期完旋聞玉碎即於庚辰修文地下矣噫多才不寿致使山邱木拱書劍塵埋殊堪深惜所幸喆君冠生克家稱肖報本培根特為修建石墓將來迪光於前正未有艾至淑配許孺人系出名門終溫且惠和凡之訓可補趨庭晝荻之賢猶襄內助冠生並為孺人砌壽藏於右墨卿有知其亦可無遺恨於九京矣聊誌數語並為之銘銘曰生有善行歿有餘光佳城屹立若金若堂承承奕葉俾熾而昌貞珉載泐永誌不忘欽加五品銜署湖南永明縣學訓導加一級

同學弟李運頓珩首拜誌
民國丁丑族姪孫立生重錄

徐氏族譜

公元二零二零年庚子年續修

三

东海堂

清登進士鑑溪公既向宜人墓誌銘

公字鑒溪諱海濤性剛直少好讀書道試頂薦不弟遂入太學列明經斯恨事也迄民國肇興公復入地方自治所畢業全鄉選舉董議會會長及保衛團紳歷任二十餘年提倡鄉學則一鄉學校林立提倡族社則一族社穀盈倉及晚年閉門謝役惟樂琴書以消日而已德配向宜人名門靜女世族淑媛助夫教子由少而壯而老不墜志也生五男二女長振鐸鄉舉舉團紳次振民長郡學校預科畢業三振綱輟讀篤賈四振旅駐省師範畢業五振鷺務農頗勤事業予既敷榮孫皆茁秀南州世業東海家聲他日之光耀斯無窮也茲石墓告成君乞余撰墓誌銘延思不敢虛譽特錄其善行以為墓誌其銘曰朝無明主野有遺賢鎮鄉舉其才宗族裳其蔭孝友一庭晚景田园恒有樂詩書百代他年蘭桂永騰芳

前清舉人彭延思拜撰
民國二十一年申岁孟冬月穀旦刊

前清翰林院待詔徐清溪先生並德配何夫人壽藏碑誌

鼎革之際 蜩唐沸羹 不可爬梳 最難得者 高隱矣 尤難得者 曠達 民國肇興 彌二載矣 爭權利之徒 滿坑滿谷 求一泡幻世 宙兒戲人間 生死來去 以自快者 邈不可得 頃學友徐君師庶 以父麟書先生夫婦 營一生圻囑 余為之誌 且告之故曰 先生 湘陰縣人也 名清溪 字麟書 淹貫經史 旁通百家 難 學性 醇厚 樸直 好維持地方 公安社會 中皆利賴之 而又恬退 自適 超然於塵俗之外 近因民國告成 自幸以專 制餘生 得見燦爛莊嚴之民國 於願已足 乃擇邑中大樹嶺泉水它之陽 預營石圻 為夫婦百年後合葬計 余聞之 哑言笑曰 先生非所謂高隱者 曠達者 且兒戲 生死來去者 耶 古之營生壙者 名曰壽藏 於唐得 二人焉 曰司空圖 曰姚勗 圖之營藏 既峻也 轍引故 人入壙 賦詩對酌 以自娛之 營藏于萬安山也 暑 日寂居 剝土為床 曰化台 並刻石以告後世 今先生夫婦共營生壙 誠可謂達人 大觀 倘能引故人入壙 賦詩對酌 以自娛耶 則先生今之司空圖也 而余也不文 強為之誌 是將刻石以告後世矣 則先生又唐以 後第二姚勗也 他日續湖湘耆旧集 先生其卓卓可傳者 歟 時先生年五十五也

中華民國二年癸丑歲暑月穀旦

長郡公中學立校校長世愚弟彭國鈞敬撰

前清拔貢世愚弟黃銘功敬書

徐氏族譜

公元二零二零年庚子年續修

四

东海堂

附華表聯語

远瀑掛清泉 看終古白龍飛去

佳城繞溪水 間几時黃鶴歸來

清舉人王振寰敬題

徐清溪老先生暨其德配何太夫人七秩雙壽序

湘陰之東距縣治五十里神鼎密崖之間有隱君子焉曰徐清溪先生自號神鼎老人者也丙寅六月值先生暨其德配何夫人六十有八之壽辰鄉之戚友謀以其年冬為先生夫婦舉七秩祝嘏之觴先生之子子師庶與天祐共事岳陽釐金局因以壽序見屬天祐不敏感師庶之思顯其親也遂不敢辭竊當慨夫國制搶攘之世其以武功致通顯者一時上壽則諛詞累識者焉至於頤志山林之士名雖不顯而德行孚於一鄉者實不可無述也先生幼嗜學弱冠以父游吳越遂主持家政自課子弟於塾承母氏之歡父歸而先生率弟舞斑衣娛二亲暮齒門庭之內雍雍加也兄弟之間怡怡如也修宗譜建支祠創社倉興族學則其澤及宗族者洵不愧保家之主矣粉難待其排解橋路賴其興修而平耀振荒尤為人所稱頌則其化洽鄉間者可以為有道之士矣生平於醫藥地理之書嘗博觀而約取之尤深造自得於醫醫貧人不取資尤貧者則施藥以故歲時踵門備禮致謝者紛紛焉則其全活民命者善慶尤遠矣是以潰兵過其戶雖遭劫掠而流彈從頭上飛過幸獲无恙吉人天相其明徵矣何夫人躬操井臼有孟光之遺則焉日勤紡織有敬姜之懿行焉上事尊章下鞠子姓禮隆婦順音徽母儀詩所謂命妻壽母其純嘏固宜為天所錫也子五人長立生熟心地方公益為宗族鄉黨所推重次南臺務農次楚賢國藩均經商季子師庶畢業湖南第一聯合中學校擬赴法勤工儉學備資斧矣以母病不果行遂卒業湖南財政廳釐捐稽徵講習所歷任永興縣署科員湘潭益陽漢壽沅江城陵磯各稅局徵收員現任岳陽釐金局主任稽征員工書六朝碑帖為人蕭洒出酒余觀其敘述二親之美征祝嘏之文用知先生及何夫人之庭訓有方後福無量也先生少席父產能

徐氏族譜

公元二零二零年庚子年續修

五

東海堂

以勤儉治生益擴充之迄今生齒熾昌杖履優游含飴弄孫極山林之樂他日福备期頤康強逢吉固非林類之徒所可庶幾也

世愚姪 黃顏巒 宵錫光 吳欽 柳興叔

黃子哲 趙 论 匡宜民 周傑

李朝黻 李文章 曹修緣 楊世錫

林樹瓊 周忠毅 洪國鈞 周炳湘

林榮甲 洪簡吾 蕭森茂 王東陵

田綬卿 高炳炎 陳萬鵬 張 紳

曹胡徽 胡笏生 洪本格

同頓首拜祝

岳陽釐金徵收局局長世愚晚 辜天祐頓首拜撰

前華容縣縣長世愚晚 朱芾頓首拜書

中華民國十五年 丙寅歲冬月穀旦

民國丁丑冬月男立生訂

秀山公傳

竊夫傳之云者所以傳其事於后世也余支祖秀山公幼习诗书不求問達待鄉里以忠恕訓孫子以箴言其持已也尤有卓立之功雖富不淫貧賤不移威武不屈書日立德立言立功謂之三不朽其支祖之謂乎厥後子孫繁衍頗積餘貲價置公田凡遇祖祠派費三合廟古祭以及清阴各項公務用度何莫非前人之所積聚也嗟嗟世變滄桑人心其不古也久矣或有視公以为奇貨欲廢公以飽私囊者是皆勿顧彰美前人垂及後世矣噫嘻此公其可廢乎哉余曰不可祖德宗功宜培宜植发則何以彰前人之善其可分乎哉余又曰不可一族四柱分则门户何人理也幸合族績修譜牒有房长晋吾糾集头人倬凤育村有贵定山平周春生并房内人等共商议妥注載譜首以图久远俾后之子孙班班輩輩继继绳绳相传而勿替也岂不懿歟岂不懿歟

清光绪 戊申岁孟冬吉月吉日秀山公裔孙谨序

徐氏族谱

公元二零二零年庚子年续修

六

东海堂

毛家塘愚山公傳

傳者传也所以傳其實也我會祖愚山公彪炳儒林乾隆丁未岁補弟子員辛酉領鄉薦自始祖受益公至今二十餘代其間列庠序者不一而足以登賢書者於曾祖僅一見非所謂桂林一枝也歟興考曾祖生平有韜光斂迹之意觀於抄修世系於太祖鞏麟公次韩公及妣杨太君高祖竹莊公與畴一公之配楊太君均各紀其事而增其美而於一己之行藏概未之緣是殆深沉有大志者耶抑留其蹟以待後人之闡揚耳石韞玉而山輝水含珠而川媚在興輩不當為曾祖注也耶興生也晚於曾祖之手澤未获親炙光儀久已耿耿於懷而不能釋逮本岁於邑仰高書院晤父執楊君步丹者言會祖當日文稿遍傳爾時拔童軍士林中無不佩服興即起而敬問之求給其稿伊對以闡墨尚存興隨至伊齐几番笑英未如所願旋即其門者三始得摻求偏誦見其筆筆高超字字精警誠文壇飛將軍也觀於主考馬批其首題子曰为政全章云題眼在一以字着迹便涉於纖但寫德字非立言本旨文從下逆取追以德中比行之無本出之有源以字透露至下截只一滾說出可云眼明手竦宗師吳批其次題使天下之人齊明盛服以承祭祀女云扼定齊明盛服寫使字方留得洋洋三句在批其三題禹思天下四句文云恰是四句題文批其詩題湖光與天远詩云穩極自工是均無過誉也文如是其品概可想見矣興用是不弃蕪雜而妄抒藻云

時

清同治九年庚午岁小陽月穀旦

降服曾孫維兴墨卿翰清氏識

貽贈儒林郎芝田公傳

公諱祚德 字巍鎮 號芝田 姓徐氏曾祖仕達家故饒至祖巍慶中落父於事 生子二 公其次也 公生未一週而失怙賴母吳孺人 苦心鞠育外家復時有攸助兄弟始得成立既長兄力耕公以心計操奇計贏伯仲一心積十數年先後成實 置有薄產 視曩時景象稍異焉 然家計仍甚絀也 公復策勵精神 自兄歿後獨力撐持至老 不倦復連 置田莊數處 吁其艱已 公性純篤 事母以孝聞 雖貧甘旨無缺 母病侍湯藥不廢 既卒罄家貲營葬哭泣盡哀 兄中年遭疾無子 公思慰其心以愈其疾 乃以己所甫生一子繼之未幾 兄亡公慟甚不數月 遺腹生女越五年 嗣兄子殤公益悲迨 自立子一 生子三復為兄立后以成厥志 而其產業則提若干亩归兄後餘復均分斟酌 權衡仁義兩無歉也 公好施又不忘人之施 凡宗族鄉黨中義舉如祀田社倉石路墳墓諸項皆慨捐不少 吝里人某某死乞葬地輒立契予之不取值其樂善如此 少時得外家溫恤始終銘於心 析產時猶拳拳著之筆墨以囑其子孫其不忘人之惠 如此凡此皆學問中事也 而問公當日實少孤未嘗學問 卒其所為 如是不謂之學得乎 公以光緒二年丙子歲六月十五日未時卒 享六十有七生時循例為太學生 歿後以孫新瑞捐階

貽贈儒林郎 元配潘氏 繼配毛氏均貽贈安人 副室藍氏子四维興太學生 維舉維富太學生 敕贈儒林郎 維貴太學生 出后公兄孫新立太學生 新瑞布政司理 問銜新翥 新源 新洛 曾孫振河 振江 振湖 振興 振英 振鐸輩出朋興 其亦有承公志而勿違者歟 贊曰 自詞章之學興而倫行之真不託之膠庠 而託之田野 如公之孝友慈仁 不學而得其大視修士之浮華無實何如哉 或第以轉物候時得古貨殖之意是亦見

徐氏族譜

公元二零二零年庚子年續修

七

东海堂

其淺未窺其深也

敕授文林郎揀選知縣現任郵部錄事壬寅補行予庚子辛丑恩正併科舉人姻再姪巢功贊頓首拜撰

光緒三十四年 歲次戊申九月穀旦

族老前輩祚藩公許孺人合傳

先賢祚藩公以派序則族曾祖也 字晉吾博聞強記文名冠一時棄清光緒乙未進士 不惜化兩春風 畢生以傳經為事 樹人甚眾 如鄭惠泉張益生袁湘州等鄉前輩皆公之高足也 在弃清以功名論則有名列 庠序者焉 以民國服務社會論則或效力於國家或為政於鄉黨 此公之遺也澤也 且賦質純篤 秉性中和 對於宗族鄉常有益之舉 靡不竭力提倡必期於成功而後已如吾祠清明之祭素所無者 乃首倡創立清明 祭田以符孝子追遠之念 又如族社吾祠亦曾無者乃毅然倡積呈請政府立案勸遵族間儲蓄煞費苦心 始 告成立 迄今念年之久穀已盈倉族間貧戶誰不追念及之 且關心家乘尤岌岌耳 庚午三修負纂修之責戊 申四修任倡修之勞 上恐失祖宗之源流 下恐失子孫之支系 其志如斯更堪嘉許 晚年有魯仲連風度於 鄉黨紛難嘗出排解之鄉党仰公年高德望 雖事屬難輒迎刃而解 以故宗族尊其德鄉黨 稱其仁難逝世 念年迄今倘嘖 膾炙人口 非公之文章道德可以壽世也哉 其德配許孺人 乃名門淑女 素諳閨訓 持躬 勤約 賦質莊嚴 相失尽礼 教子有方 且鄰族時有匱乏靡不盡力周卹 難早逝有年 譽声尤在 誠不愧為 公之良匹也 不幸未克偕老百年 深為惋惜也 民國丁丑吾祠續譜幹卿躬逢其盛蓋經 族中長者 謬舉負 有纂修之責 經理方面有鬢发苍苍 精神矍鑠之老人與焉叩之則公之仲君維義公也 維義公名俊川 字 炳生 性剛直忠厚 持躬涉世有乃父遺風 幼曾隨父塾讀 質尚聰穎 第因曲从母志輟學而耕 乘暇仍习 书算 故譜局事虽烦琐处之裕如也 目前年屆耄耋与李孺人白头举案且瓜绵椒衍 继继绳绳 积善之家 必有余庆 信哉 古今之言不我欺也 维义公乘间与幹卿道及公之毕生事迹历历不爽并囑为之传兹不

徐氏族谱

公元二零二零年庚子年续修

八

东海堂

揣冒昧竟以不律之言付梓亦聊以颂公之善言行庶不负孝子扬亲之良意也

时

民国二十六年岁次丁丑孟冬月上澣穀旦

族曾孙振楚幹卿氏顿首拜撰

徐母巢安人傳

安人為湘陰巢義士湘浦太年伯之次女宿儒貢士閣磨年伯之妹前交通部僉事 財政部委員懋丞同年之姑母也 幼習詩書 長嫺閨訓 年十八歸徐公介卿 徐公體弱多病 安人奉湯藥未嘗稍懈 年二十九徐公卒 安人慟不欲生子二女一均幼零丁孤苦家務中又多科紛環 境艱難堅苦應付 祖遺產業方析箸時僅分田租九十六担 安人勤儉逾恒 終歲紡織不輟 當廢止 晚餐先后添置田租二百担有奇而于公益事未常后人 安人之姑年老而双目早經失明肝氣頗旺 安

徐氏族譜

公元二零二零年庚子年續修

九

东海堂

維原老先生傳

吾族維原先生 字邦慶 乃一鄉之善士也 一生言行可嘉 少之時血氣未定 衛生最嚴入繁華之境而不亂其心 趨勢力之徒而不折其節 朝犁雲暮 鋤雨躬耕稼穡 出作入息樂乎天命復奚疑侍父母能竭其力當父母有疾病侍奉湯藥 不離左右寢不解其衣帶 此孝出於天性也 及其壯年 血氣方剛 戒之在鬪入而在家雍睦一堂出 而在鄉恂恂似不能言 一言無爭訟 一行無反抗 其為人謀在忠遇友有事患難相顧如齊之鮑叔牙 為管仲謀返齊而能脫堂阜之囚 與人交最善上交不諂 下交不瀆如齊之晏 平仲久不忘敬 此壯行大可嘉焉 及其老也血氣即衰戒之在得在鄉黨鄉舉困伸辯 事不留餘力 在宗族族舉房長視事不畏浮焉 管理宗祠族社社穀盈倉充任華國學校校長學務大有起色 公於排紛解難事事盡心繞有魯仲連之雅度 此晚行又可嘉焉 德配李老儒人 勤儉向夫 先生之興家創業業多賴於儒人內助之力微 孺人之賢不足以成先生之志微 先生之量不足以揚孺人之名 夫唱婦隨良可稱也 珠璣云天 地和而後雨澤降 夫婦和而後家道成深信無疑 生五男二女 長男潤富從戎北伐充任橡閩越軍第十三統領 第三十四營第一連中尉連副 後任廣東潮州府大埔縣县政府委員 民國十三年又編入革命軍船泊管理處助理員 次雙泉四庚申學工業 工業精明 三太山五元凱力農負穡無怠無荒孫會繞膝彬彬有礼 日後光宗耀祖故有可望焉 更難得者 龍孫志卿業岐黃之術 醫學精通 由此努力用功 不難蒸蒸日上達他年醫道振南湘其活族濟貧有深望焉 今歲合族續修譜牒 貴柱選舉纂修 志卿負其責任 為父乞余傳余久疏簡筆特錄一生言行以褒美而勸後人也

族再晚德鈞拜贈

民國二十六年歲次丁丑孟冬月中浣穀旦

徐氏族譜

公元二零二零年庚子年續修

一〇

東海堂

例授太學生徐公新厚徐母劉孺人傳

吾鄉前丈徐公新厚大人 字寅階 資質聰穎 性情耿介 待人以誠 持躬儉約 鄉黨族中如有糾紛不憚其煩而排解 乃一湘之善士也 德配劉孺人 素性勤儉 溫恭淑慎 孝事翁姑 和於妯娌 相夫有光教子多方 誠名門淑女也 子三 女二 長池化 次松濤 出繼堂伯明凱公為嗣 由讀而耕 晚景歡娛 三月橋經商交友 处世和平 孫五人 綏柔 炳焜 宋良 沛全 合全 會孫四人 益和 海湖 雍睦 應譜 等令曾孫益和 性聰慧 善穎悟 後生可畏也 前丈與劉太君 未得白髮舉案 忽於民國三年秋 而竟別世 西歸也 嗣兄弟和好 聚處一堂 勤作之暇 專事貿易 真勤勞之家也 創置產業 修建星宇 諺云 兄弟同心 家必興 信斯言也 近年來 因時局滄桑 奉承母命 分居卸戶 仍勤儉治家 較前尤勝也 令慈於前秋 偶然跌地 傷臀 作痛 敬延良醫而診治 令男衣解帶 帶數月 現仍精神矍鑠 難行止 不便有子媳 孫會出入扶持 小心翼翼 有珍馐則爭而進之 每事如其母意 以此而觀 有孝子賢孫也 令長君性情剛直 不怯豪強 不諂富貴 團內經理 積穀族中經理 族社 積穀盈倉 克己待人 理公廉潔 鄉黨咸稱君子也 前任貴族學校經理 繼任數年 皆從節儉 維持校育 乃有起色也 歲貴族敬修家乘 令嗣負經理之責 協助從事 竟三月之奇 而告成 所罕見也 晚授課之暇 遍覽文稿 傳贊殊多 見此有感 乃與令嗣詳詢 前丈畢生之事蹟 聊述俚以為之傳 而異日賢才輩出 有後望焉

民國二十六年丁丑歲陽月下澣穀旦

愚再晚易志堅芝生氏頓首拜撰

族祖維柏公传

善者昌惡者殃此天之道也觀乎

族祖維柏公則信焉矣 公字雲山雖長為農夫躬耕 隴畝然悉世情 知大體 存忠厚之心 利人克己 如通財以濟貧乏 減耀以救饑荒原配繼配戴陳兩孺人皆世家產 相夫以禮 每於義舉促之 使成天道好 還故先後得五男 而孫十有二焉 余此來續譜查閱 公之支系僅五代之傳 其子姓繁衍已百有奇矣 豈 非我公好善之 所以昌之者 歟更喜後启有人 如金生者乃公之曾孫漢臣兄之季子也 青年英俊 學識優 良 茲以國家多事 工作于前防將來必有建設 於國家甚有厚望焉 特將我公事跡簡為言之 付梓以為 欲子孫昌者之先導焉

民國丁丑岁阳月穀旦
族再晚振羣志卿氏拜撰

徐氏族谱

公元二零二零年庚子年续修

一一

东海堂

清太學生徐公诒新立墓誌銘

清太學生徐公诒新立 號冠生 文業人也 與澤霖居相近知相信公於光緒二年丙子岁入承明儒太親翁墨卿公宗祧年方七岁 得知太體父病 隨母許太宜人侍奉湯藥 不辭日夜勤勞 親聆父訓 父歿同母許太宜人慟不欲生 覺以順變理解安慰 母懷旦自謂曰身為繼承子欲事無父母其色難矣 不盡情不親奉不足以快其母心所以許太宜人心廣體胖 得享高年莫非公之力歟 公於清光緒三十二年丙午岁充當八里團團總職 適遇荒歉搶風四起 公同局中當道者到县具稟請穀赴 省領穀回鄉 人心鎮靖 公於用費穀陳耗失共虧去明錢八十貳串有奇 地方父老本擬募費彌補公力 辭不受 且自謂曰 年荒難遇讀書種子對於維持地方民食有應盡之義務所以地方未受糜爛者莫非公之力歟 以公之居心 為人應享遐齡 柰天不假年命數定也 公於清同治九年庚午岁十月初二日未時生 於清宣統三年辛亥岁十一月二十六日亥時卒 得年四十有二 葬武昌鄉八里團茶亭嶺中 甯山丑未向 之新阡德配伏孺人 溫恭淑慎內助多能 子二長振英 課讀 次振鐸 課耕 均系英偉箕裘可 女四 早配士族孫五大乾坤元亨利元出继老三房 支下履仁為子 孫女二澤霖既知公為徐家之孝子 鄉里之善士 振英 振鐸於其續修家乘屢以誌相請 故 强以為之 志而銘之 銘曰 以公之孝 詩云孝子不匱永錫爾 類以公之善 易云積善之家必 有餘慶 於嗟夫 盛歟

民國二十六年丁丑岁孟冬月穀旦
前古丈县知事姻教弟鄭澤霖拜撰

族長耀在公傳

居處恭執事敬與人忠古之君子也 族長耀廷公庶乎近之 公諱新發行居長年 屆耄耄舉止康 此仁者寿而山乐好静之 所致也歟 公幼年承父母命由讀而耕 日出而作 日入而息 盡力於田園之間 經卒岁之勞而無懈志也 父母之喪 竭力營葬 克盡其礼 德配霍孺人 名門淑女 知書識礼 相夫克克盡妇道 家間出入簿賬司之未嘗誤也 與公唱隨相得 家室咸宜 先後得六男二女 長字澍霖 隨公耕於阡畝 次字賜祥 三子兆階 皆棄農而商 賜祥設店於沅江 兆階設店於省會 交易公平 能获市肆信仰 勃勃然有起色也 四子四清未成童而殤 五字五凤 六字六生亦隨公力耕 惜乎皆不幸早逝 乃公之恨事也 長女適名門甘氏 次女亦未字而夭 幸得后启有人 孙曾绕膝樂何如之 公之間有亲戚容者 乃霍孺人先公而逝未得白头 舉案克代分任家計之勞耳 公以居恭事敬与人以忠宗族尊之乡党敬之 当有纠纷之难解者 公至則渙然冰釋莫非 公之德足以服之为斯人也 可儀可式 故为之傳以傳其實也

民國丁岁孟冬月上澣穀旦族晚幹卿謹識

徐氏族谱

公元二零二零年庚子年续修

一二

东海堂

清登進士徐公鑑溪先生傳

先生孝友傳家 平生樸實無華 及老不改 不慕財利而家政恒興 奮志讀書而童軍屢困紹獬 弱冠同學仰高書院 會見館課官課 每得優獎 癸酉岁道考頂薦不第 先生之名三十不稱 清末年廢考試人太學列明經雖有大之志 終莫能途意 迄民國肇興入地方自治畢業 我謂先生大器晚成 不難連步登朝 殊烟霞痼癖深矣 隱居不出 本鄉選舉董議会议會長 遇事討論彈劾無私 莫不悅服 越年委任保衛團紳 連任二十餘年 众望永孚 是時政府廢神戲祀公提 抽祠產廟產處處遵办最严 而先生不然神戲 公保存不廢祠產廟產酌量提抽 全鄉咸歌功德 至於提倡學務 一鄉學校成立者二十六校 提倡族社一族兩祠 儲蓄族社穀凶荒有備先生保 全桑梓誠可嘉也 常見和解布公同善之糾紛數年爭訟不息 一旦糾紛解决 不獨同善 受祐無窮 及水口山神道閉塞 而復開通同鄉舒志成 自幼貿易洪江 家有田產六担 有奇被族人强佔十餘年年無一旦裁判仍归旧主 先生之解排粉難 如此類推 難盡述也 又見交友为謀最忠與邑宰李公介春相善反政初年會商全县紳士挽留李令數年兴同乡吳公國相鏞善 民國元年伊侄世麟會開辦辦自治贊襄其事 調和社會感情至深 先生擇交为謀亦罕聞也 又見匪兵四起 有匪首馬乘犯境 率部兵數十到家 似不可逃惟賊黨有知其善良 不可犯者 倒戈相向 保送出戶 农協會壓迫捐費 區執委率部兵到家 莫之敢撓惟公神色不懼敢於厲詞爭辦 賊黨不敢加害 終負荆請罪 先生膽氣過人良可称也 更惜晚年目鼓目闭門不出 长效陈博大睡凡 鄰里周急窮民入戶 乞食概好施不吝 開居課讀 孫子教授經書批解 文藝終日 口講指畫不倦 先生樂施課读尤非世俗及也 闻家乘续修兩届選舉總理想前戊

申時代 年富力强 族事手續紛繁不殫 煩勞固無論也 惟此晚景年已七十視茫茫 髮蒼蒼 負此續譜重
件何敢負其責任 竟懇就職 視事竭力維持 上有慰先祖之望 下有安子孫之心 其宜家保族豈細事哉
岁丁丑貴族修家乘 仲君德鈞乞余傳紹獬思明德之後必有達
人謹將所見所聞者以為之傳而示後昆云爾

民國二十六年丁丑岁孟冬月穀旦
世愚弟許紹獬拜撰

徐氏族譜

公元二零二零年庚子年續修

一三

东海堂

族老前輩維實公傳

創業難守成亦不易 此先賢家居之箴言也 吾族
老前輩維實公克履斯道 公字桂林 幼失怙既具与家之念侍母 刘老孺人克盡其孝 刘劉老孺人命之學
藝忻然從之艺成之後 兼理稼穡 是工而農者也 且持躬儉約 不務奢華 德配胡孺人知禮義 侍姑孝相
夫賢為 公內助得力 良多以故家務勃勃然興矣 天佑吉人 得五男五女 長新斗 次新光 三新華 四新
富 五新培或營工或務農 克紹箕裘 以勤儉綿其家 澤女皆適名門 無失德更幸鳳毛濟美 孫皆苗秀焉
新斗公字金成 質聰穎 精書算性 詖諧雅好暢談今古佚事 示人善惡之報 寓警懲之意 施教育於笑談
之中使人而聞之誠 難得也 且誠實 經理族間義務 如族學 經理族社董事 总祠 經管皆盡誠信為 族仰
之丁丑續譜獲選担任經理之責 录丁收費購備物用 雖勞不良難能也 幹卿以纂修之責忝居其間故知之
深而書之付梓以揚我公喬梓之善行焉

民國二十六年岁次丁丑孟冬月上澣穀旦
駐省師範畢業族再晚振楚幹卿氏拜撰

徐公清溪大人徐母何老太君行述

先考諱清溪 字麟書 自號神鼎老人 先王父裕庭公之長子也 清授翰林院待詔 世居湘陰武昌乡神鼎圍毛家塘故里 家境夙貧 生於咸豐九年己未岁六月十六日辰時 體貌偉英偉 秉賦清奇 越十二載先王母謝老太君又生叔父淦溪公 先考僅五岁时随先王父母及先二伯祖維慶公遷居今三神鄉上豐倉八達桥是时 先王父幕遊吳越家務端賴先王母撐持 先考幼精敏自就傳讀始從同里宿儒陳子固老師繼從族祖墨卿 公均器許之惟 先二伯祖無嗣 視先考猶子當其負笈時 先二伯祖每履送殷殷旋以 先王母年老多病 先考遂輟學助理家政 自此先王父跋山涉河 艰苦備当所得 俸入由先考秉承其命 添置田产 催請壯工自行耕種 適逢收護豐爰家道漸隆 并督促叔父力讀詩書以列明經迨 先王父倦遊歸來 見一切部署井然 甚为快慰 但先考犹以为不得更竭力焉 每届年秋 亲詣南嶽为其祈寿 嘗從蘇惠泉地師遊 針定其壽藏 居致敬養致樂親友極端欽遲未几 先王父母相繼西歸 先考乃偕叔先後遵礼殡葬並置公田墓屋 以明祀事 惟岁时祭为悬免 并諭 师庶兄弟桑梓之间不宜任意结仇 惟爱护之心则视其力之所能及耳 是役也追兵数百捕获 潰兵三名决欲枪毙 吾家门首 代洩其愤 先考力保未杀 尤属难能 至此次兵灾流弹几后 先考头上飞过 先妣由家人掖走高山几致气绝 其危险境界不堪回首 先考研究医术内外科兼悉 每年医愈病者不知凡几 存心壽世 不但取診費而好施藥 至老弗輟又善地理及星學卜筮遐遇親友叩之即行從未索受酬 金吾家穀米各有賸餘 先考每必減價出糶 惟遇荒年必留存接濟 零星小戶價不昂 而糶必均迄多感激平日往来乞丐及困苦顛連無告者 先考目擊立予拯济 且频频慰之 本

徐氏族譜

公元二零二零年庚子年续修

一四

东海堂

邑自入民国以后伏莽 潛滋迨民十六農協 专橫吾家人口十尚可棲息至民十九赤匪扰乱吾乡罹祸较民五兵燹尤甚 邻近見戕於匪及为匪而被戮者甚多 吾家人均走散許久未歸 先考年越七秩一走白水站再走新开江后走县城师庶寄寓 稍安至以心傷 國故内軫家憂而老境 逐由之更駸寻矣 其时师庶远游金陵 道路相传五内如焚莫可奈何先考酷爱俭朴一生 无嗜好 起早睡晚 精神至老犹佳约计 先考经营家政凡五十余年含辛茹苦 罄竹难宣 观于各处之茶夔果木胥由其手泽栽培即可知其勤劳也 先考庭训最严厉 全家数十人口一聞声音不畏懼 往年課讀师庶兄弟每晚以神香为限 所教詩書均须背诵师庶此際經書猶克記憶者 莫非先考膝下之功也 师庶兄弟仰叨德庇 或为农为商或为公务员出入必告 每殷殷以世亂民艰为念 戒務農毋懈怠 戒经商毋狡猾 戒任官吏毋貪污 要勤慎师庶 曾服务财政各界十有餘年 依然兩袖清風蓋恪遵先考與先妣之耳提面命也 先考与叔父虽析箸多年每外出必互告其怡怡可悉先四叔祖维山公一支子孫远離異地幾無稽致至經 先考出而肆力証明始行歸宗其孝友如此 先考年逾知命即自泐壽藏旋 因世道多故 又將家產親手分派 大意祖之長髯自若似是 達觀實則渠恐遺累师庶弟也 先考於去年丙子十一月念九日偶患气喘 服藥似效 寢饋亦未斷詎 料至臘月初四日用膳飲茶洗面後正坐火爐邊忽爾溘然長逝矣 時正日午师庶兄弟均在側 就吉於是月二十一日奉安 先妣何姓同邑處士學明公之次女清例贈孺人 生於清咸豐九年己未岁六月二十二日巳時閨訓貞嫻女儀熟習年十二即归 先考與先考年同仅小五日而与先考形影相随六十年未嘗隔離一月也 以故先考待人接物及一切婚嫁教養作为先妣無役而不助焉 先考亦无事而不謫为惟 先妣更體 先王父母之意井白必躬親烹飪之餘继以纺织鸡鸣而起 每斗轉尤 不休室以内事無鉅细悉處之井井破布烂衣有所必惜 先王父母最契重之

己卯生大兄立生逾五年 甲申又生二兄南台 丁亥戊子三兄楚賢 四兄國藩相繼而生 再逾六年甲午始生师庶大兄以上尚有二姊一兄均天殤半生來祿抱携持不遑寢處 先妣體氣素羸加以生育過多筋力漸減曾患筋骨疼痛有年 幾不起又年周花甲之時與 先考先後同種花痘尤为人所驚異 幸前後均占勿藥 至今人多謂之陰陽延年之証云 先王母臨終病劇 先妣奉菽水調湯藥數月未嘗一日違下與先孀母向老太君自同居以至析爨後未嘗有詬諍之語 先考率直性成 先妣承之以婉 至少至老未嘗聞交謫之聲合家人丁如有生育疾病者 先妣救护情殷同每忘寢食 但以人口多需用繁 先妣經營鎖鑰至师庶兄弟分居而后已 先妣衣布衣茶佐飯猶恬然以为自適並常引誨师庶兄弟及孙曾等須当努力母墜家聲也 先妣之歿早先考七年以己巳腊月初一日突患嘔症 醫藥罔效至十四日戌时弃师庶兄弟與世長辞矣 越年寅曆新正十八日归山 当其病起 即召家人一一吩咐是时师庶供職岳陽統稅局闻讯奔回 先妣訓誨一切不異平日彌留之際猶高聲命孙竞兴伴 先考睡并嘆 先考此後形影單獨 云其神志清醒頗與 先考同 先考妣之窀穸合處於鄰鄉硤石团新屋陳上首李樹大塘右大樹岭泉水它巽山乾向且 先考妣不但生同年月 死又同月 享寿亦均邁古稀 生平之幽光潜德必咸与神鼎宓巖长存不朽 先考妣於九京自應無遺憾也 嗚乎痛哉 惟师庶自星沙肄業後繼浪迹他鄉定省多疏获罪伊何及今思之泥首無地矣 謹將先考妣生平至性至情之言行揖述梗概用誌哀思此際蒙 先考妣餘阴无恙者师庶兄弟五人 孫十二人 桂芳 瑞田 愷臣 潤民 敏政 榮鎬宜今競興競平文甲巨嚴偉皇曾孫人實善 慎建 華建 建綱 建印 育純 育春 育羣不肖男振讓師

徐氏族譜

公元二零二零年庚子年续修

一五

东海堂

庶萬章氏泣述於湘陰县城寄寓

中華民國二十六年丁丑岁六月十五日

擔任本屆纂修族譜系義務職男立生謹識

徐君石麟行述

君讳新翥 字石麟 世居湘阴武昌乡祖芝田 公考介卿公皆公正仁厚 見義勇為 君生而聰慧 三岁矢怙母氏巢太夫人撫以成人 自幼受學長嫻書數識大義 事母及兄以孝悌聞清季 由湖南公立第一政法學校畢業 民國以來宦游數千里遠 历任前交通部出納科科員 升迁主事 直隸饒陽縣政府承審員 靜海縣官產局主任 藁城縣政府科長 吉林桦甸稅捐局及橫道河老營營等局主任從政閱二十年 勤慎自矢 所至有声以操守清廉 且慷慨仗義 故家鮮儲蓄又因公務積勞加之時局變遷以致憂傷成疾先是胞兄肇論供職吉長路局將屆廿載 已因世歸田歲丙子春聞胞兄患足疾 慈母倚閭懸望益切君陟屺興懷逐賡孟郊游子之吟 而效淵明解組之計藉以養疴林下 並侍晨昏 詎意歸未月餘竟爾不祿嗚呼慈親年屆八旬能無恟乎君生於清光緒十年甲申歲九月二十日寅時卒 於民國二十五年丙子三月初七日午時 得年五十有三 葬楊樹橋甘冲屋讀書坡之陽 子一孫一孫女四君母為余之姑母 君又為余之內弟 相知較深特為述其崖略 君之子履仁忠篤 明理克知 继述孫用权亦頭角崢嶸行見家聲不振 世代昌榮 余於徐氏有厚望焉

前直隸饒陽安平縣長北平自治所長巢功常撰

民國二十六年丁丑小陽月穀旦

徐氏族譜

公元二零二零年庚子年续修

一六

东海堂

先父新蘋公 先母周孺人行述

先父讳新蘋 名錫鈞 字純理 行居長 體貌魁梧 資質聰穎 胸襟磊落 瀟灑異常 且性豪強者不畏富者不谄好 讀書 過目成誦 不求甚解 探得概要則深究之 嘗謂余曰讀書須從大處着眼而琢磨於詞章乃腐儒也 祇緣失怙过早 先王父未高壽中道崩殂 先王父諱維嶽 名紹農 字淑之 性聰質慧 有志向學 先會祖王父祚源公愛子情切 嘉其志束脩之俸不稍吝也 以故學雖有成而祖遺家產則蕩焉矣 傳至先父則蕭條四壁至先王父之喪 仍竭力營葬 於禮制未敢或闕焉 先王母胡孺人名門淑女 素諳閨訓 自適先王父事之盡禮家室宜之惜乎 先王父未克與之偕老也 由是先父負有維持家庭之責焉 上有先王母之侍養 下則有先亞父新繁公與先季父新藻公年尚未成而養之 教之 娶配之 皆待之於 先父 且也有姑母三人其養之嫁之亦待之於 先父處茲艱難之境竭力而撐持之裕如也 其事先王母克盡其孝其待 先諸父暨諸姑母克盡其友前後為 先諸父授室焉 姑母亦次第嫁之矣 而則年逾而立始迎先母周孺人以归先母周孺人乃世家產也 知書識字 有大家風 于归後事 先王母隨先父之志靡不察微而曲體之 先王母偶有疾則躬侍湯衣 不解帶懃懃懇懇莫敢稍懈焉 其事先父盡禮盡義 而妯娌之間 雍雍睦睦 室家之內妒厲之聲從未之聞也 即名門巨族 其家庭規模如斯之整者鮮矣 豈非先父與先母知禮識義而唱隨所得也 歟但先母恨事于歸 後數易寒暑尚無出焉 先父有懷無後之憂 先王母亦有欲弄孫之念 於是商之族人而承繼之議興矣 先本生父新芹公正感鼓盆之憾余命不辰襁褓失恃蓋 先本生母胡孺人不幸青年而逝 以遣吾父子於丁零斯時也 亡兄振崑年已成年 先本生父感余鞠育之艱而承嗣則有亡兄振崑

在不為無後也 經族諸先輩等 方商之 取得同意 於是出繼余為先父之子 先母撫之如己出 視之如之 如掌其愛護之誠非墨筆所能形容者焉 余未過繼之前 先亞父新繁公以先王母歲於族誼出繼毛家塘柱 下維孝公承嗣 先孀母方孺人亦隨往焉 先季父新藻公自負聰穎 好學不倦 精力求進 竟致積勞成疾 不幸早逝余 於篋中檢閱遺墨琳瑯滿紙瀟灑不凡倘天假之年 以成其志則於國於家 必有可觀之 建設 惜乎其未能也 先王母感先季父捐塵之慟 悲戚過之積憂成疾 未三月而壽終矣 先父母居喪盡哀營葬 竭力斯也 先父以器宇羣不胸襟磊落 邑城賢士多重視之故 援濟而通融之者不乏其人 故有所謂孟子 後喪逾前喪同轍之誚焉 斯情也亦勢也 其知之者必原其心耳 先孀母蔡孺人以年輕無嗣不安於寡居有 再醮之志 經先父母再三慰勸終莫能挽 逐適楊姓 與先母妯娌情篤仍時相過從則曲更稱名序以姑嫂矣 吾族有世居城之老人 字茂森者以齒論則長于先父以派序則卑于先父因族誼作忘年之交 得閒則常來 余家余之過繼為力良多 而先父母家居概要甚所悉 常為余道之 历历不爽 故余於先父母孝友之行所得 而聞之也 余年稍長 先父命之人學束脩之俸文具之貲 雖境地清貧亦未之或惜也 由小學而師範 其間 經文章道德為邑人所尊仰 而崇拜者之教授如熊公金門宗老恭斗皆棄清之舉人 王公厚吾文筆老鍊有 船山遺風且著有遺稿尚厚惜乎尚未付梓還有鍾公光鍵柳公春眉吳伯平熊公毓璜皆以文名著一者也 先 父皆予厚儀命余師事之也 自慚不敏雖讀書有年 學業未成 有負先父先母愛子之誠此余之恨事也先是 先父於先王父服闕之後乃投筆從戎蓋先父素具有振家興國之大志焉 當時洪楊之戰作吾湘會左名操 一時 先父擬往投之旋因 先王母召歸未成 其志然得敘天倫之樂亦慰於心矣 厥後逐無志出山 不復問 世家居之計以囤積為 生亦曾經營紅青山茶生理綜計畢生心力所獲不下萬金 而年復一年無多蓄積蓋

徐氏族譜

公元二零二零年庚子年續修

一七

东海堂

先父見義勇而持躬約待人誠也 於鄰里戚友之間困者濟之 弱者扶之 其零丁孤苦者乃倡設法而錐護之 其用心濟世亦良難也 与居閒邑之賢士相過 從而邑之賢士靡不慕其高義而樂与之交也余族居東北鄉 蝦蟆石 族間以細故來城与訟者 先父當以片言折之而息也 故族間具敬畏之心者甚眾焉 其可太息者 乃畢生辛苦 身後蕭条使余治喪感莫大之困而卒能盡礼以營葬者亦以先父交遊之而惠施之廣 援助者 勇且众矣 發矧之日送殯之賓道為之塞虽未街歌巷哭 則太息之聲時有所聞 此非先父好義惠施之所致 也 歟臨終之時喟然謂余曰 吾遺爾者無他乃清白二字耳 且云智而多財自貽其戚愚而多財徒增其過 子孙如我要錢做甚麼 子孫不如我要錢做甚麼么 余始聞之 甚不然其言熟思之則皆醒世之語 非大智 慧者不能道也 余居喪之後適國軍北伐應友人之召 投筆隨軍 轉戰江浙贛魯之間 先後任書記副官 軍 訓指導員之職 未經二岁 先母緘電交馳促之歸蓋先母年邁蒼蒼恐旦夕難保也 余归后鬱居半載仍理 舊業 任教授於邑城二校解決仰事俯蓄之責焉 先是先父於余及冠既為授室 自此家庭負擔較前重矣 予感先父年邁力衰應付不易 乃任教於邑之西鄉 所獲脩儀以助家用蓋 分減 先父之勞也 余室潘氏沅 江產與余家以世業而結秦晉之旧戚者 亦嫻閨訓於婦道無或闕也 幸蒙先人德蔭先後產三男二女 女皆 不幸而殤 長男名建字蘇民現已成人 其志亦大 於客秋余教課西鄉之際 僅告伊母隨軍往閩矣 次名熹 字 息民年已十齡 現肄業於城立一校三名 緒字慰民乃今年產者 尚在襁褓焉憶 先母召歸之後得敘天 倫之樂 以盡定省之礼 先母既視余如己出 吾亦奉之惟謹惟順也 以故鄰里莫知余之為繼子也 此族中 長者如耀延長青諸公所目見及之非敢妄謬也 不幸先母於余歸之後未至三年棄予而逝 慟矣哉 子欲養 而親不在 五内俱焚 碎身難報 終以再三籌措 始克盡礼營葬厥 後晋省助理稅政長斯局者乃通家甘君

哲明也 甘君旋調衡陽亦隨之往焉 居職先後共五年之久 甘君解職 余亦贏得兩袖清風 半肩行李而返 矣 歸來無技只得再理舊業 舌耕糊口 本年秋間族長春泉公命余來祠 協助續譜自度才未敢輕諾 伊以 族誼相責不獲辭焉 故於彙稿之初應

召至嗣濫竿其間 負纂修之責 編校本柱走系慎重 为之幸未偵事查閱 先本生父新芹公世系亡兄崑早 逝後嗣闕如不覺心为之傷耳 乃將次子息民達繼亡兄振崑為後以承宗祧庶逐返本之義焉 仅匝月之久 世系刷竣 而族先哲行述付梓者不知凡几 余不覺心動亦將先人之行略約書之以付梨棗余此之來并撰 有續譜新序祠堂圖記 商得各柱同意編製五修凡例 家訓 家規而族之先哲前賢晉吾公維實公維太公耀 廷公其言行可儀可式或傳或記以揚其善焉

男振楚幹卿盥手拜述

民國二十六年歲次丁丑孟冬月上瀚穀旦

徐氏族譜

公元二零二零年庚子年續修

一八

東海堂

蓋聞凡積公者無論大小皆集腋成裘必慎始慎終 我祖鳳吾公支下裔孫成立譜費公將捐名臚列於左

上豐倉師捐庶田柒升每秋收租谷壹石四斗三升整

上豐倉立生捐壹石擔任本屆纂修族譜係義務職

毛家塘池化捐谷壹石本屆修譜擔任經理系義務職

毛公塘申懷公捐穀貳担正

楊家塘友桃公捐穀壹担正

毛家塘光前公捐穀壹担正

八里煨桐梓山冠生公捐平斛谷壹石正

菖蒲灣履仁捐平斛谷貳石整

毛家塘松濤捐谷壹石正

上曹丰仓介南臺捐谷石正

毛家塘月喬捐穀壹石正

除租以外合共捐穀一十貳担整 另選經理員 輪流生積侯再修家乘之際作為本房丁費之貲不得移作別 用共商美舉而後望無窮也

時在

民國二十六年丁丑歲孟冬月中澣穀旦

提倡人 池華 立生 謹訂

立捐約字人上豐倉八達橋裔孫師庶竊以本祠鳳吾支下公產微薄而房族樂於捐貲蓄積者甚寡每屈修譜之際丁虽微即時艱於籌措余有見及此欲未雨而細繆乃倡立譜黃公余愿將私置之業坐落地名毛家塘新祠上首瓦形山墘路下計田壹坵計种七升捐与譜費公以爲基業永作日後再修家乘添补各房丁費之用其田水例係艾家塘放車蔭救並本攏泉源浸水蔭注粮系入攤推撥另公舉經理轮流生積三更換其基金不得移作別用如有流濫等情以及手續不清公全积處願我祖宗支蕃衍世澤綿延人文蔚起閭閻無疆今欲有憑立此捐約壹纸付公永远收存为据

棟華 池化 福生 科生 新培 應臣 东生 柏田 长根 振温 新炳 合生 命男 競興 立笔

民國二十六年丁丑歲孟冬月穀旦

徐氏族譜

公元二零二零年庚子年续修

一九

东海堂

族立小學校長兼任譜局修義務職立生識

立約吐契出賣山场人徐顯謨今因家務逼迫虽以设以計只得母子商议自心情愿將祖遺之業坐落地名大围山场壹雙週圍古牆为界只得請托中人之实向前说合後集族内人必登能雄天达沾惠甫毫士宁甫黎达萬添香亮庶文賢文龍尚達公等與族内人牧牛划挖常日憑中得受山價銅錢七串文整並無貨折情由此日頒足外不具領自愿甘心願賣日後各無异言反悔今欲有文约纸立此付族内人永收存为據

乾隆四年三月初三日立人徐顯謨
契付廷收

立約吐叶契出賣山場樹木柴薪等項人徐嗣信同男祚皆 祚春今因家務逼迫難以設計夫妻父子商議
自心情愿將祖遺父分之業坐落地名龍塘嘴山場壹塊樹木柴薪俱全西抵公山北抵龍塘東南俱抵田邊四
抵四界憑族眾踩清德間房親人等俱不接置請托中人嗣意酢興等 向前說合 出賣與景華公嗣孫為業當
日憑中三面得受時置業價等項銅錢貳串肆百整入手 足外不具頒此係甘心吐契並無謀準等情山內坟塋
三塚并無禁步只許掛扫永不得進葬倘 有生枝不与受業人相干像我出業人承當自賣之後山場樹木柴薪
聽其閭族修培養禁砍伐今欲有凭
立此文約壹紙付合族頭人收存為据
嗣意 嗣康其押
凭房內人祚興 熊萬 永錫 文斗 志乾
內人 族青宇 秋句 云萬

清道光十三年十月二十二日立筆嗣信
父了依口代筆人在中押

徐氏族譜

公元二零二零年庚子年續修

二〇

东海堂